

MIEN VELANGEN, O, HAR

(Mich verlangt nicht nach Schätzen)

(Is My Name Written There)

(Sinjt Froo! #59)

1. Mien Velangen, O, Har, es nich no Selwa un Golt.
Oba dit mucht ekj weeten: auf ekj frie sie von Schult.
Auf em Lävensbuak bowen, opp een Blaut rein un kloa,
Saj mie, Jesus, mien Heilant, steit mien Nomen aul doa?

Kua 1: Steit mien Nomen aul doa,
Opp een Blaut witt un kloa?
En daut Lävens Buak bowen,
Steit mien Nomen aul doa?

2. Ekj hab, O, soo väl Sinden, soo aus Saunt dicht aum Straunt.
Doch ons Heilant kaun halpen, ekj vetru siene Haunt.
Wan uk Blootroot de Sinden, hee moakt Schneewitt un kloa.
Doarom kom ekj nu froagen, “Steit mien Nomen aul doa?”

Kua 1: Steit mien Nomen aul doa,
Opp een Blaut witt un kloa?
En daut Lävens Buak bowen,
Steit mien Nomen aul doa?

3. O, de Himlische Woinj, dort wiet bowen em Licht,
De Bewona sent prachtvoll, sent em Hoat gaunz Schneewitt.
Dort kjant Maun kjeenen Kumma, wiels ons Heilant es doa.
Haleluja! Ekj weet daut, jo, mien Nomen es doa!

Kua 2: Jo, mien Nomen es doa!
Opp een Blaut witt un kloa;
En daut Lävens Buak bowen,
Jo, mien Nomen es doa!

Wieed: Mrs. M.A. Kidder, 1820-1905
Musikj: Frank M. Davis, 1839-1896
Em Auljemeenen Jebruck
Plautdietsch: J.J. Neufeld, 1960
Omjeschräwen